

UMUMIY O‘RTA TA’LIM MAKTABLARIDA IQTIDORLI BOLALAR IJODIY FAOLIYATINI RIVOJLANTIRISHNING HAMKORLIK MEXANIZMINI TAKOMILLASHTIRISH

*Shamsiddinova Sadoqatxon G‘opporjon qizi
Qo‘qon universiteti*

Ta’lim muassasalari boshqaruvi yo‘nalishi magistranti

Annotatsiya: Maqolada iqtidorli o‘quvchilarni erta aniqlash va iqtidorini ro‘yobga chiqarishning maqsad va vazifalari hamda omillari, jarayonlari haqida fikr-mulohazalar keltirilgan.

Kalit so‘zlar: iqtidorli o‘quvchi, yosh izlanuvchi, ta’lim jarayoni, omil, boshqaruv faoliyati, iqtidor, ilmiylik.

Аннотация: В статье изложены мнения о целях и задачах раннего выявления одаренных учащихся и реализации их талантов, а также факторах и процессах.

Ключевые слова: одаренный ученик, молодой исследователь, учебный процесс, фактор, управленческая деятельность, талант, научный.

Abstract: The article contains opinions about the goals and tasks of early identification of gifted students and the realization of their talents, as well as factors and processes.

Key words: gifted student, young researcher, educational process, factor, management activity, talent, scientific.

Iqtidorli yoshlarni barvaqt aniqlash va ularning iqtidorini ro‘yobga chiqarishdajahon miqyosidagi buyuk kashfiyotlarni jamiyatimizning negizini tashkil etadigan buyuk allomalarimiz merosiga tayangan holda bugungi zamon talabalaridan kelib chiqib, xalq farovonligiga xizmat qiladigan buyuk kashfiyotlar yaratish ko‘nikma va malakalarini hosil qilish muhim ahamiyat kasb etdi. Bilimli, iqtidorli bola nafaqat o‘zining, balki xalq, millatning ham kelajagini belgilaydi. Iqtidorli yoshlar O‘zbekiston Respublikasining ijtimoiy va iqtisodiy taraqqiyotining hamda uning jahon hamjamiyatida munosib o‘rin egallashini ta‘minlovchi muhim omil hisoblanadi. Shu o‘rinda “Iqtidorli yoshlar kimlar?” degan savol paydo bo‘ladi. “Iqtidor” arabcha “qodir bo‘lmoq”, “qila olmoq”, shaxsning ijodiy xususiyati va aqliy faoliyatini anglatadigan tushuncha, shuningdek, iqtidorli yoshlar maqsadga intilish, qat‘iyatlilik va mehnatsevarlik kabi fazilatlari hamda ijodiy faoliyat bilan shug‘ullanish istagining kuchliligi bilan ajralib turadilar. Iqtidorli o‘quvchilarni izlash, aniqlash va tarbiyalashning asosiy maqsadi respublikaning ilmiy va ijodiy salohiyatini rivojlantiruvchi intellektual salohiyati bor yoshlarni tayyorlash, yordam berish, iste‘dod sohiblariga bilimning tegishli sohalari va fanning aniq yo‘nalishlari bo‘yicha o‘z qobiliyatlarini namoyon etish va rivojlantirish hamda ulardagi noyob iste‘dodni ro‘yobga chiqarish uchun imkoniyatlar yaratishdan iboratdir. Bir so‘z bilan aytganda, ta’lim muassasalarida o‘quvchilar shaxsining rivojlanishi, ularning qiziqishlari, iqtidorlarini ro‘yobga chiqishi, mustaqil bilim olishlariga va ijodiy mehnat qilishlariga shart-sharoit yaratish lozim. Shuning uchun ham davlat iste‘dodli yoshlarni alohida qo‘llab-quvvatlaydi. Ta’lim muassasalarining iqtidorli o‘quvchilari maxsus psixologik va pedagogik test

o‘tkazish orqali aniqlanadi. Bunday o‘quvchilarni maqsadli hayotga yo‘llashda ta’lim muassaslarining vazifalari quyidagilardan iboratdir:

- iqtidorli o‘quvchilarning intellektual salohiyati, chuqur bilim olishi va qobiliyatlarini rivojlantirishga alohida e’tibor qaratish;
- malakali o‘qituvchilarni iqtidorli o‘quvchilar bilan individual (yakka tartibda) ishlashga safarbar qilish;
- ilm-fan taraqqiyotining ustuvor yo‘nalishlari bo‘yicha ilmiy jamiyat ishlariga iqtidorli o‘quvchilarni keng jalb etish;
- iqtidorli o‘quvchilar bilan ishlashda maktabda iqtidorli o‘quvchilar haqidagi ma’lumotlar banki va ularni doimiy tashxislash monitoringini shakllantirish;
- ular bilan ishlashning ilg‘or pedagogik texnologiyalarini aniqlash;
- oliy ta’lim muassasalari, o‘rta-maxsus kasb-hunar ta’limi tizimida faoliyat yuritayotgan etuk mutaxassislar bilan hamkorlik qilish.

Umumiy ta’lim maktablarida iqtidorli o‘quvchilarni maqsadli tayyorlash mazmuni quyidagi tartibda amalga oshirilishi mumkin: maqsadli dastur bo‘yicha yakka tartibda (individual) o‘qitish; chuqurlashtirilgan dastur bo‘yicha o‘qitish (fundamental fanlar, umumkasbiy fanlar); oliy ta’lim muassasalari, o‘rta maxsus kasb-hunar ta’limi va litsey talablariga asoslangan holda maktabda iqtidorli o‘quvchilarning kasbiy, o‘quv-ijodiy va tarbiyaviy tayyorgarligining qo‘shimcha yo‘nalishi va ta’lim xizmatlarini joriy etish. Iqtidorli o‘quvchini maqsadli tayyorlash dasturlarida ular egallashi zarur bo‘lgan quyidagi omillar nazarda tutiladi:

- fanlarni yuqori darajada o‘zlashtirish;
- dasturlashtirishni chuqur bilish;
- chet tillaridan savodxonlik;
- ilmiy-ijodiy ishlarni
- bajarish jarayonida mustaqil fikrlash, yangi fikr-mulohazalarni bildirish olish ko‘nikma va malakalarini egallash;
- soha bo‘yicha yangiliklarni tezkorlik bilan egallash;
- davlatning ichki va tashqi siyosatini to‘g‘ri tushunadigan va uni qo‘llab - quvvatlaydigan, vatanparvar, barkamol inson sifatida o‘zini namoyon etish.

Iqtidorli o‘quvchilar bilan ishlashda ustoz-shogird an‘anasiga qat’iy rioya etish muhim ahamiyat kasb etadi. Bu jarayonga ilmiy rahbar sifatida o‘quvchilarni maqsadli tayyorlash dasturi bo‘yicha etarli bilimga ega bo‘lgan o‘qituvchilar jalb etiladi. Bunday qobiliyatli o‘quvchilarga ilmiy rahbar etib ijodiy va uslubiy ishlash tajribasiga ega bo‘lgan o‘quv-uslubiy va ilmiy faoliyati bo‘yicha reytingi yuqori bo‘lgan o‘qituvchilar tanlanadi.

Iqtidorli o‘quvchilarning ilmiy rahbarlari zimmasiga quyidagi vazifalar yuklatiladi:

- iqtidorli o‘quvchilarni maqsadli tayyorlash dasturini yaratish va uni amalga oshirishga rahbarlik qilish;
- iqtidorli o‘quvchilar bilan ishlash bo‘yicha etakchi xorijiy davlatlardagi ilg‘or tajribalarni bilish va ularni o‘z faoliyatida qo‘llash;
- yangi pedagogic texnologiyalarni o‘quv jarayoniga tatbiq qilish;
- kompyuter texnologiyasi va video, audiotexnikalar, elektron darsliklarni keng qo‘llash;
- maqsadli dasturni muvaffaqiyatli bajarayotgan iqtidorli o‘quvchilarni moddiy va ma’naviy rag‘batlantirish.

Umumiy oʻrta ta’lim maktablarida iqtidorli bolalar bilan ishlashni tashkil etishning oʻziga xos tizimi mavjud boʻlib, unda muassasada mavjud barcha sub’ektlar ishtirok etadi. Jumladan, maktab direktori va uning oʻrinbosarlari, uslubiy birlashmalar, sinf murrabbiysi, xotin-qizlar va yoshlar tashkilotlari, ota-onalar hamda barcha oʻqituvchi- murabbiylar shular jumlasidandir. Mazkur sub’ektlarning iqtidorli bolalar bilan ishlashda oʻz vazifalari boʻlib, ular yagona maqsadni amalga oshiradilar.

Iqtidorli oʻquvchilar bilan ishlash orqali ta’lim muassasalari oʻz oldiga qoʻygan vazifalarni, ya’ni yoshlarni mustaqil fikrlash, boʻsh vaqtlarini tashkil etish, ularning birorta kasb-hunar egallashi uchun poydevor yaratish, iqtidorli, ijodkor oʻquvchilarni ragʻbatlantirish ishlarini mahalla hamkorligida amalga oshirish orqali iqtidorli oʻquvchilar safini kengaytirishga erishadi.

Xulosa qilib aytganda, iqtidorli oʻquvchilarni aniqlash, tanlash va tarbiyalash borasida mamlakatimiz ta’lim tizimida amalga oshirilayotgan ishlar, jamiyat taraqqiyotini ta’minlash, vatanimiz iqtidorli salohiyatni dunyo miqyosida namoyon etish imkonini beradi. Shuningdek: umumiy oʻrta ta’lim maktablarida iqtidorli bolalarni aniqlash va tarbiyalashning pedagogik mehanizmini yaratish; iqtidorli bolalarning rivojlantirish mazmunini ishlab chiqish (oʻquv reja, maqsadli dastur); umumiy oʻrta ta’lim maktablarida mavjud pedagogik sub’ektlar imkoniyati va salohiyatini shu jarayonga safarbar etish; umumiy oʻrta ta’lim maktablari qoshida “Iqtidorli bolalar maktabi”, “Kichik akademiya”lar tashkil etish va ularda iqtidorli bolalarning qiziqishlariga koʻra iqtidorlarini tarbiyalash muhim ahamiyat kasb etadi. Shuning bilan birga: umumiy oʻrta ta’lim maktablarida iqtidorli bolalarni erta aniqlash boʻyicha pedagogik, psixologik, ilmiy salohiyat, kasbiy salohiyat kompleks tashxis dasturlarini yaratish va uni amalga joriy etish mexanizmini ishlab chiqish.

Ushbu jarayonni muvaffaqiyatli amalga oshirish uchun maktab, oila, fuqarolik jamiyati, ilmiy muassasalarning ijodiy-pedagogik muvofiqdir.

Adabiyotlar roʻyxati

1. Oʻzbek tilining izohli lugʻati. 2 jild. – T.: «Oʻzbekiston milliy ensiklopediya-si» Davlat ilmiy nashriyoti, 2016
2. Yoʻldoshev X.K. Barkamol avlodni tarbiyalash oila, mahalla va ta’lim muassasalari hamkorligi konsepsiyasi. – T., 2012
3. Milliy gʻoya: targʻibot texnologiyalari va atamalar lugʻati. – T.: «Akademiya», 2017
4. www.ziyonet.uz